

**ЖЕТІСУ ОБЛЫСЫ БІЛІМ БАСҚАРМАСЫНЫҢ ТЕКЕЛІ ҚАЛАСЫ
БОЙЫНША БІЛІМ БӨЛІМІ» ММ «№2 БӨБЕКЖАЙ-
БАЛАБАҚШАСЫ» МКҚК**

БҰЙРЫҚ

15.10.2025жыл

№ 85- н

«Сыбайлас жемқорлыққа қарсы стандартты бекіту туралы»

Қазақстан Республикасының «Сыбайлас жемқорлыққа қарсы іс-қимыл туралы» Заңының 10-бабының 2-тармағына сәйкес

БҰЙЫРАМЫН:

1. «Жетісу облысы білім басқармасының Текелі қаласы бойынша білім бөлімі» ММ «№ 2 бөбекжай-балабақшасы» МКҚК сыбайлас жемқорлыққа қарсы стандарты (бұдан әрі – Стандарт) осы бұйрықтың қосымшасына сәйкес бекітілсін.
2. Бөбекжай-балабақшасының педагогикалық ұжымы мен қызметкерлері Стандарттың мазмұнымен таныстырылсын.
3. Стандарттың мәтіні бөбекжай-балабақшасының ресми интернет-ресурсында орналастырылсын.
4. Осы бұйрықтың орындалуын өз құзырыма аламын.

№2 бөбекжай-балабақша меңгерушісі



Е. Жаксыбекова

«Жетісу облысы білім баскармасының
Текелі қаласы бойынша білім бөлімі»
мемлекеттік мекемесінің «№2 бөбекжай-
балабақшасы» МКҚК меңгерушісімен
«15» _____ 2025 жылғы
№ 85 бұйрығымен бекітілген



«Жетісу облысы білім баскармасының Текелі қаласы бойынша білім бөлімі» мемлекеттік мекемесінің «№ 2 бөбекжай-балабақшасы» МКҚК сыбайлас жемқорлыққа қарсы стандарты

1-тарау. Жалпы ережелер

1. Осы Сыбайлас жемқорлыққа қарсы стандарт Қазақстан Республикасының «Сыбайлас жемқорлыққа қарсы іс-қимыл туралы» Заңының 10-бабының 2-тармағына және сыбайлас жемқорлыққа қарсы іс-қимыл жөніндегі уәкілетті орган бекіткен әдістемелік ұсынымдарға сәйкес әзірленді.

2. Сыбайлас жемқорлыққа қарсы стандарттың мақсаты – «Жетісу облысы білім баскармасының Текелі қаласы бойынша білім бөлімі» мемлекеттік мекемесінің «№ 2 бөбекжай-балабақшасы» МКҚК (бұдан әрі – Бөлім) сыбайлас жемқорлықтың алдын алу, адалдық пен ашықтық қағидаттарын нығайту және қызметкерлердің мінез-құлқының бірыңғай стандарттарын айқындау болып табылады.

3. Сыбайлас жемқорлыққа қарсы стандарттың міндеттері:

3.1. Мектепке дейінгі ұйым қызметкерлерінде сыбайлас жемқорлыққа қарсы тұрақты мінез-құлық қағидаларын қалыптастыру;

3.2. Мектепке дейінгі ұйым қызметкерлерінің белгіленген қағидаларды қатаң сақтауына бағытталған іс-әрекеттері мен шешімдерін нақты анықтау;

3.3. Сыбайлас жемқорлықтың алдын алуға бағытталған ұсынымдар жүйесін белгілеу.

4. Сыбайлас жемқорлыққа қарсы стандарттың негізгі қағидаттары:

4.1. Заңдылық;

4.2. Адамның және азаматтың құқықтарын, бостандықтарын мен заңды мүдделерін қорғауды басымдыққа алу;

4.3. Жариялылық пен айқындық;

4.4. Мемлекет пен азаматтық қоғамның өзара іс-қимыл жасауы;

4.5. Сыбайлас жемқорлыққа қарсы іс-қимыл шараларын жүйелі және кешенді пайдалану;

4.6. Сыбайлас жемқорлықтың алдын алу шараларын басым қолдану;

4.7. Сыбайлас жемқорлыққа қарсы іс-қимылға жәрдем көрсететін адамдарды қорғау және көтермелеу;

4.8. Сыбайлас жемқорлық құқық бұзушылықтарды жасағаны үшін жазаның бұлтартпастығы қағидаттары негізінде жүзеге асырылады.

2-тарау. Мектепке дейінгі ұйым қызметшілерінің іс-әрекет қағидалары

5. Мектепке дейінгі ұйым қызметшісі жеке және заңды тұлғалардың құқықтары мен заңды мүдделерін жүзеге асыру барысында:

5.1. Жеке және заңды тұлғалардың құқықтары, бостандықтары мен заңды мүдделерінің сақталуы мен қорғалуын қамтамасыз етуге және қорғауға, Қазақстан Республикасының заңнамасында белгіленген тәртіппен және мерзімдерде олардың жолданымдарын, хабарламаларын, пікірлері мен сұрау салуларын қарауға және олар бойынша қажетті шаралар қабылдауға;

5.2. Адал, әділ және қарапайым болуға, жеке және заңды тұлғалардың өкілдерімен қарым-қатынаста жалпы қабылданған моральдық-әдептік нормаларды сақтауға, сыпайылық пен әдептілік танытуға;

5.3. Жеке және заңды тұлғалардың құқықтары мен заңды мүдделеріне қатысты қабылданатын шешімдердің ашықтығын қамтамасыз етуге;

5.4. Қазақстан халқының бірлігі мен елдегі этносаралық келісімді нығайтуға ықпал етуге, мемлекеттік және басқа тілдерге, сондай-ақ Қазақстан халқының салт-дәстүрлеріне құрметпен қарауға;

5.5. Өзінің іс-әрекетімен және мінез-құлқымен қоғам тарапынан сынға негіз бермеуге, сын үшін қудалауға жол бермеуге, кемшіліктерді жою және қызметін жетілдіру мақсатында сындарлы сынды пайдалануға;

5.6. Шындыққа сәйкес келмейтін немесе тексерілмеген мәліметтерді таратпауға;

5.7. Жеке және заңды тұлғалардың құқықтары мен заңды мүдделерін жүзеге асыруға кедергі келтіретін әрекеттерге (әрекетсіздікке) жол бермеуге;

5.8. Өзінің лауазымдық өкілеттіктерін және онымен байланысты мүмкіндіктерді жеке, соның ішінде мүліктік және мүліктік емес пайда алу мақсатында пайдаланбауға.

6. Мектепке дейінгі ұйым қызметшісі өз құзыреті шегінде басқарушылық және өзге де шешімдерді әзірлеу мен қабылдау барысында:

6.1. Қол астындағы қызметкерлердің лауазымдық міндеттерін нақты айқындауға;

6.2. Еңбек жүктемесін жұмыс тәжірибесі мен атқаратын лауазымын ескере отырып, қол астындағы қызметшілер арасында біркелкі бөлуге;

6.3. Қол астындағы қызметшілердің жұмыс нәтижелерін бағалау кезінде, сондай-ақ оларды көтермелеу немесе тәртіптік жазалау шараларын қолдану барысында әділдік пен объективтілік танытуға;

6.4. Қол астындағы қызметшілерге қатысты негізсіз айыптауларға, дөрекілікке, адамның қадір-қасиетін қорлауға, әдепсіздікке және теріс мінез-құлыққа жол бермеуге;

6.5. Қол астындағы қызметшілерге лауазымдық міндеттеріне кірмейтін немесе Қазақстан Республикасының заңнамасына қайшы келетін, сондай-ақ орындалуы мүмкін емес өкімдер мен тапсырмалар бермеуге;

6.6. Қол астындағы қызметшілерді қызметтік міндеттеріне қатысы жоқ немесе жеке сипаттағы тапсырмаларды орындауға тартуға жол бермеуге;

6.7. Қол астындағы қызметшілердің сыбайлас жемқорлық құқық бұзушылықтарға жол беруіне ықпал ететін себептер мен жағдайларды жоюға;

6.8. Қазақстан Республикасының заңнамасына сәйкес қол астындағы қызметшілер тарапынан құқық бұзушылықтардың алдын алуды және жолын кесуді қамтамасыз етуге;

6.9. Мүдделер қақтығысының туындауына жол бермеуге және оны реттеу бойынша уақтылы шаралар қабылдауға.

7. Мектепке дейінгі ұйым қызметшілері мемлекеттік қызметтер көрсету, сондай-ақ лицензиялық-рұқсат беру функцияларын іске асыру кезінде:

7.1. Қазақстан Республикасының мемлекеттік көрсетілетін қызметтер туралы заңнамасына сәйкес мемлекеттік қызметтер көрсетуге;

7.2. Мемлекеттік көрсетілетін қызметтердің стандарттарында, Қазақстан Республикасының заңдарында және мемлекеттік қызметтер көрсету регламенттерінде көзделген жағдайларды қоспағанда, өзге негіздер бойынша мемлекеттік қызметтер көрсетуге жол бермеуге;

7.3. Мемлекеттік көрсетілетін қызметтердің сапасын арттыру жөнінде, оның ішінде қаржы нарығы субъектілерін қоса алғанда, қызметтерді тұтынушылардың пікірлері мен ұсыныстарын ескере отырып, тұрақты негізде шаралар қабылдауға;

7.4. Қызмет алушыларға мемлекеттік қызметтерді көрсету тәртібі және қажетті құжаттардың нысандары туралы толық әрі нақты ақпарат ұсынуға;

7.5. Қазақстан Республикасының заңнамасында көзделген жағдайларды қоспағанда, мемлекеттік қызмет көрсетуге арналған бекітілген тізімге кірмейтін қосымша құжаттарды ұсынуды талап етпеуге және сұрамауға;

7.6. Мемлекеттік көрсетілетін қызметтерді алуға арналған өтініштерді және қызмет алушылардың шағымдарын қарау кезінде шатастыруға жол бермеуге, оларды белгіленген мерзімдерде қарау нәтижелері туралы хабардар етуге;

7.7. Қызметтік емес қарым-қатынас орнатпауға және өтініш берушілермен мемлекеттік көрсетілетін қызметтерді алу кезінде тікелей байланысты барынша азайтуға;

7.8. Қызмет алушыларға мемлекеттік қызметтерді көрсету барысында заңсыз бас тартуға жол бермеуге;

7.9. Мемлекеттік көрсетілетін қызметтердің қоғамдық мониторингінің нәтижелерін қарауға және мемлекеттік қызметтер көрсетуге арналған рәсімдерді жеңілдету, мерзімдер мен құжаттар тізімін қысқарту арқылы мемлекеттік қызмет көрсету процесін одан әрі оңтайландыру жөніндегі іс-шараларды жүзеге асыруға.

8. Мектепке дейінгі ұйым қызметшілері нормативтік құқықтық актілердің жобаларын әзірлеу кезінде:

8.1. Азаматтардың Қазақстан Республикасының заңдарында белгіленген құқықтары мен бостандықтарын сақтауды қамтамасыз етуге;

8.2. Заңды және жеке тұлғалардың заңды мүдделерін бұзуға жол бермеуге;

8.3. Қазақстан Республикасының заңнамасы талаптарына сәйкес нормативтік құқықтық актілердің жобаларын әзірлеуге.

9. Мектепке дейінгі ұйым қызметкерлерін іріктеу және орналастыруға қатысты кадрлық жұмыстарды ұйымдастыру кезінде:

9.1. Тағайындауға арналған материалдарды қараудың белгіленген мерзімдерін сақтауға;

9.2. Мектепке жейінгі ұйымға жұмысқа қабылдау кезінде қызметшілерге олардың негізгі міндеттері, тыйым салулар мен шектеулер туралы толық түсінік беруге;

9.3. Кадрларды іріктеу кезінде Қазақстан Республикасының заңнамасы талаптарын сақтауға;

9.4. Мектепке дейінгі ұйым қызметшілерінің жеке деректері туралы ақпаратты жария етуге жол бермеуге;

9.5. Жұмысқа орналасуға кандидаттардан еңбек шартын жасауға қатысы жоқ құжаттарды талап етпеуге;

9.9. Мектепке дейінгі ұйым қызметшілеріне қатысты объективті және жан-жақты қызметтік тексерулер жүргізуге.

3-тарау. Өзге де шектеулер, тыйымдар және талаптар

10. Мектепке дейінгі ұйым қызметшісі өз құзыреті шеңберінде міндетті:

10.1. Қазақстан Республикасының Президентінің саясатына адал болуға және оны жүйелі түрде іске асыруға;

10.2. Заңдылық қағидатын басшылыққа алуға, Қазақстан Республикасының Конституциясының, заңдарының және басқа нормативтік құқықтық актілерінің талаптарын, сыбайлас жемқорлыққа қарсы заңнаманы және Білім туралы заңнаманы қатаң сақтауға;

10.3. Еңбек тәртібін мүлтіксіз сақтауға, берілген өкілеттіктерге адал және бейтарап болуға, сондай-ақ өзінің лауазымдық міндеттерін тиісінше орындауға;

10.4. Мемлекеттік меншікті мүлтіксіз сақтауды қамтамасыз етуге, оны ұтымды, тиімді және тек қызметтік мақсатта пайдалануға;

10.5. Мектепке дейінгі ұйымға сатып алу үшін пайдаланылатын ақшалай қаражатты тиімді және мақсатты жұмсауға;

10.6. Сыбайлас жемқорлыққа қарсы іс-қимыл жүргізуге, сыбайлас жемқорлық құқық бұзушылықтардың алдын алуға ықпал етуге және оларды болдырмауға;

10.7. Мектепке дейінгі ұйым қызметшісі өзінің лауазымдық өкілеттіктерін орындау кезінде алынған кез келген ақпаратты, оның ішінде үшінші тұлғаларға қатысты қызметтік, коммерциялық (оның ішінде бағалы қағаздар нарығында), банктік, микрокредит беру, коллекторлық қызмет, сақтандыру, зейнетақы жинақтары және жеке салымдар (жинақтар), мемлекеттік құпияларды, сондай-ақ Қазақстан Республикасының заңдарында көзделген жағдайларды қоспағанда, автоматтандырылған ақпараттық жүйелерден алынған ақпаратты жария етпеуге;

10.8. Мүдделер қақтығысын болдырмауға және оны шешу жөнінде шаралар қабылдауға;

10.9. Туындаған мүдделер қақтығысы немесе оның туындау мүмкіндігі туралы белгілі болған бойда тікелей басшыны немесе Бөлім басшылығын жазбаша хабардар етуге;

10.10. Егер мүдделер қақтығысы туындаса, лауазымдық міндеттерді орындауды тоқтатуға;

10.11. Мектепке дейінгі ұйымның оң имиджін сақтау үшін мінез-құлықтың әдеп нормаларын сақтауға, лауазымдық міндеттерді орындау, мемлекеттік қызметтер көрсету және жеке тұлғалармен, заңды тұлғалардың өкілдерімен, сондай-ақ өзге де сыртқы және ішкі өзара іс-қимыл жасау кезінде дұрыс іс-әрекет көрсетуге.

11. Мектепке дейінгі ұйым қызметшісіне мынадай әрекеттерге тыйым салынады:

11.1. Қазақстан Республикасының заңнамасында көзделген сыбайлас жемқорлыққа ұштасқан немесе сыбайлас жемқорлық үшін жағдай жасайтын, әкімшілік немесе қылмыстық жауаптылыққа әкеп соғатын әрекеттер жасауға;

11.2. Сыбайлас жемқорлыққа қарсы заңнамаға сәйкес мемлекеттік функцияларды орындаумен үйлеспейтін қызметті жүзеге асыруға;

11.3. Басқа адамдарды сыбайлас жемқорлық құқық бұзушылықтар жасауға итермелеуге немесе көндіруге;

11.4. Басқа мемлекеттік органдар мен ұйымдардың қызметіне заңсыз араласуға;

11.5. Мектепке дейінгі ұйымға қалыпты жұмысын бұзатын немесе лауазымдық міндеттерді орындауға кедергі келтіретін қызметке қатысуға;

11.6. Жеке немесе заңды тұлғалардың кәсіпкерлік қызметіне қатысты мемлекеттік реттеу, бақылау және қадағалау функцияларын үшінші тұлғаларға беруге немесе өз мемлекеттік функцияларын оларға тапсыруға;

11.7. Келіп түскен немесе қызметтік іс-шаралар кезінде Бөлімге қатысты Қазақстан Республикасының заңнамасында көзделмеген артықшылықтар (протекционизм, отбасылық) беруге;

11.8. Өзінің жақын туыстарының (ата-анасы, балалары, асырап алушылар, асырап алынған балалар, ағайын-іні, апа-сіңлі, аталары, әжелері, немерелері), жұбайының және жекжаттарының материалдық мүдделерін қанағаттандыруға байланысты мәселелерді шешу кезінде өзінің лауазымдық өкілеттілігін пайдалануға;

11.9. Сыбайлас жемқорлыққа қарсы заңнамаға сәйкес, өзінің жақын туыстарымен (ата-анасы, балалары, асырап алушылар, асырап алынған балалар, ағайын-іні, апа-сіңлі, аталары, әжелері, немерелері), жұбайымен және жекжаттарымен бірлесіп жұмыс істеуге;

11.10. Егер мүдделер қайшылығы туындаса, лауазымдық міндеттерді орындауға;

11.11. Мектепке дейінгі ұйым үшінші тұлғалардың істері бойынша өкіл болуға;

11.12. Өтініштерді қарау және шешімдер қабылдау кезінде заңды және (немесе) жеке тұлғаларға құқыққа қайшы артықшылықтар беруге;

11.13. Өзінің лауазымдық жағдайын мүліктік және мүліктік емес игіліктер мен артықшылықтар алу мақсатында пайдалануға;

11.14. Біреуге Қазақстан Республикасының заңнамасында көзделмеген кәсіпкерлік және кіріс алу қызметтері бойынша кез келген жәрдем көрсетуге;

11.15. Материалдық сыйақы, сыйлықтар немесе қызметтер ұсынған үшінші тұлғалардың пайдасына іс-әрекеттер (әрекетсіздік) үшін қабылдауға;

11.16. Өзінің лауазымдық өкілеттіктерін және онымен байланысты мүмкіндіктерді пайдаланып, заңды немесе жеке тұлғалардан, олардың өкілдерінен немесе үшінші тұлғалардан мүліктік игіліктер мен артықшылықтарды, ақша, көрсетілетін қызметтер немесе өзге де нысандар түрінде сыйақы алу үшін өкілеттілікті пайдалануға;

11.17. Мектепке дейінгі ұйымның қызметкерлеріне және өзге тұлғаларға олардың лауазымдық өкілеттіктерін пайдалана отырып мүліктік пайда, игіліктер немесе артықшылықтар алу мақсатында сыйлықтар беруге немесе қызмет көрсетуге;

11.18. Инвестициялық қорларды пайдаланып, коммерциялық ұйымдардың акцияларын сатып алуға;

11.19. Кредиттер мен несиелер алу, бағалы қағаздарды, жылжымайтын мүлікті және өзге мүлікті сатып алуда Қазақстан Республикасының заңнамасында көзделмеген артықшылықтарды пайдалануға;

11.20. Өзінің қызметтік қызметін материалдық-техникалық, қаржылық және ақпараттық қамтамасыз ету құралдарын, басқа мемлекеттік мүлікті және қызметтік аппаратты қызметтік мақсаттан тыс пайдалануға;

11.21. Мүліктік және мүліктік емес игіліктер мен артықшылықтарды алу немесе шығару мақсатында ресми таратылмайтын қызметтік және өзге ақпаратты пайдалануға;

11.22. Жеке және заңды тұлғалардың өтініштерін қарау және өз құзыретіне кіретін өзге мәселелерді шешудің заңда белгіленген тәртібін бұзуға;

11.23. Осы ақпаратты ұсынуы немесе Қазақстан Республикасының заңнамасында көзделмеген жеке немесе заңды тұлғалардан ақпаратты талап етуге;

11.24. Қазақстан Республикасының заңнамасында көзделген ақпаратты жеке және (немесе) заңды тұлғаларға беруден негізсіз бас тартуға, оның мерзімін кешіктіруге, анық емес немесе толық емес ақпарат беруге;

11.25. «Ойын бизнесі туралы» Қазақстан Республикасының Заңында көзделген ұғымдарға жататын ойын мекемелерінде, сондай-ақ оған арналмаған орындарда немесе телекоммуникациялық желілерді, соның ішінде Интернет желісін пайдалану арқылы өткізілетін құмар ойындарға және (немесе) бәс тігуге қатысуға тыйым салынады.

4-тарау. Қорытынды ережелер

12. Мектепке дейінгі ұйым қызметшілері сыбайлас жемқорлыққа қарсы стандарттарды сақтауға міндетті.

13. Қазақстан Республикасының заңнамасында көзделген жағдайларды қоспағанда, Мектепке дейінгі ұйым қызметшілері сыбайлас жемқорлыққа қарсы стандарттарды бұзғаны үшін тәртіптік жауапкершілікке тартылады.

14. Мектепке дейінгі ұйым қызметшілерінің сыбайлас жемқорлыққа қарсы стандарттарды сақтауын бақылау міндеті басшыға жүктеледі.